



JAVNA USTANOVA  
**DOM ZDRAVLJA**  
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

---

## UPRAVNI ODBOR

Broj:01-1.05-740/26

Datum:27.02.2026. godine

Na osnovu člana 69. stav 1. tačka b) i stava 2. tačka d), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14, 59/22 i 50/24), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 30. sjednici održanoj dana 27.02.2026. godine, donosi

### ODLUKU

o poništenju postupka javne nabavke laboratorijskog pribora i posuđa  
– LOT 2 – LABORATORIJSKE POSUDE

#### Član 1.

PONIŠTAVA se postupak javne nabavke broj: 638-1-1-49-3-29/26 od 15.01.2026. godine, za nabavku laboratorijskog pribora i posuđa – LOT 2 – LABORATORIJSKE POSUDE, za JU «Dom zdravlja» Zavidovići za 12 mjeseci, iz razloga što nijedna od primljenih ponuda nije prihvatljiva.

#### Član 2.

Ova odluka stupa na snagu danom donošenja.

#### Obrazloženje

Obavještenjem o nabavci br. **638-1-1-49-3-29/26** koje je objavljeno na portalu javnih nabavki dana 15.01.2026. godine i u „Službenom glasniku BiH“, broj: 5/26 od 23.01.2026. godine, pokrenut je konkurentski zahtjev za dostavu ponuda za nabavku laboratorijskog pribora i posuđa – LOT 2 – LABORATORIJSKE POSUDE, za JU «Dom zdravlja» Zavidovići za 12 mjeseci.

Tendersku dokumentaciju za predmetnu nabavku, sa portala javnih nabavki preuzelo je 15 ponuđača i to: TENDERI D.O.O., FARMAVITA D.O.O., EKAPIJA DOO, BBS EUROPE, ENA D.O.O. SARAJEVO, BORGIOT D.O.O., SARTORIUS LIBRA ELEKTRONIK D.O.O., TKAONICA ĆILIMA D.D., SEMIKEM D.O.O. SARAJEVO, BIOSISTEMI DOO SARAJEVO, MIKRO+POLO D.O.O., DIMED D.O.O. SARAJEVO, MSG, LABCORE DOO I JAVNA USTANOVA DOM ZDRAVLJA KANTONA SARAJEVO.

Na adresu JU "Dom zdravlja" Zavidovići, za nabavku laboratorijskog pribora i posuda – LOT 2 – LABORATORIJSKE POSUDE, dostavljene su dvije ponude i to: Semikem d.o.o. Sarajevo i Ena d.o.o. Sarajevo.

Nakon pregleda dostavljene ponude, utvrđeno je da nijedna dostavljena ponuda nije prihvatljiva.

**Ponuda ponuđača Semikem d.o.o. Sarajevo neprihvatljiva je iz sljedećeg razloga:**

Tenderskom dokumentacijom, broj: 01-2.12-40/26 od 15.01.2026. godine, u dijelu III-1. OSTALI USLOVI ZA KVALIFIKACIJU, u tački 4. Tehnička i profesionalna sposobnost – član 48.-49. Zakona, kao dokazi za ispunjavanje tehničke i profesionalne sposobnosti traženi su sljedeći dokumenti:

a) Važeće rješenje (potvrda) o upisu medicinskog sredstva u registar medicinskih sredstava izdato od Agencije za lijekove i medicinska sredstva BiH – fotokopija

Na dostavljenoj potvrdi ponuđači su dužni označiti medicinska sredstva koja nude, upisivanjem rednog broja stavke iz tabele 1 ove Tenderske dokumentacije pored medicinskog sredstva u potvrdi

b) Izjava ponuđača da nema smetnje da ponuđač nudi i isporučuje robu, ukoliko nije nosilac originalne dozvole za stavljanje u promet medicinskih sredstava i da je sa tim saglasan nosilac originalne dozvole (samo u slučaju da ponuđač nije nosilac originalne dozvole);

c) Popunjena i potpisana Tabela 2. (za svaki LOT na koji se prijavljuje)

d) Izjava ponuđača da artikal ne podliježe obavezi upisa u registar medicinskih sredstava (samo ukoliko roba koju nudi ne podliježe obavezi upisa u registar medicinskih sredstava).

U istom dijelu tenderske dokumentacije, navedeno je i sljedeće:

„U slučaju da se u ponudi ne dostave navedeni dokumenti u vezi obavljanja tehničke i profesionalne sposobnosti (član 48.-49. Zakona) ili se ne dostave na način kako je naprijed traženo, ponuđač će biti isključen iz daljeg učestvovanja u postupku javne nabavke zbog neispunjavanja navedenog uvjeta za kvalifikaciju.“

Ponuđač Semikem d.o.o. Sarajevo u svojoj ponudi, koju je predao 22.01.2026. godine i ista je zavedena pod rednim brojem protokola 01-2.14-163/26, nije dostavio Potvrdu o upisu medicinskog sredstva u registar medicinskih sredstava izdato od Agencije za lijekove i medicinska sredstva BiH, za stavku pod rednim brojem 2. iz LOT-a 2, već je dostavio izjavu o obnovi registracije kod Agencije za lijekove i medicinska sredstva BiH za stavku pod rednim brojem 6. od 19.01.2026. godine (sa zahtjevom da se prihvati potvrda br. 06-07.4-2-8541/25), a da će se nova potvrda dostaviti nakon što procedura bude završena. Ponuđač nije dostavio potvrdu br. 06-07.4-2-8541/25, pa se ugovorni organ ne može ni očitovati o istoj.

Iz dostavljene izjave i Tabele 2 (na strani 149. ponude), u kojoj je ponuđač upisao tekst koji glasi: „U obnovi pod br. 06-07.4-2-8541/25“, nesumnjivo je utvrđeno da u trenutku



predaje ponude, stavka pod rednim brojem 2. nije upisana u registar medicinskih sredstava kod Agencije za lijekove i medicinska sredstva BIH.

Imajući u vidu izneseno, komisija je utvrdila da ponuđač Semikem d.o.o o. Sarajevo, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača Semikem d.o.o o. Sarajevo. odbačena je shodno članu 68. stav 1. i stav 4. tačka i) Zakona o javnim nabavkama jer je ponuđač dostavio nepotpune dokaze i ponuda ne ispunjava zahtjeve iz tenderske dokumentacije.

**Ponuda ponuđača Ena d.o.o. Sarajevo neprihvatljiva je iz slijedećeg razloga:**

Tenderskom dokumentacijom, broj: 01-2.12-40/26 od 15.01.2026. godine, u dijelu III-1. OSTALI USLOVI ZA KVALIFIKACIJU, u tački 4. Tehnička i profesionalna sposobnost – član 48.-49. Zakona:, kao dokazi za ispunjavanje tehničke i profesionalne sposobnosti traženi su slijedeći dokumenti:

a) Važeće rješenje (potvrda) o upisu medicinskog sredstva u registar medicinskih sredstava izdato od Agencije za lijekove i medicinska sredstva BIH – fotokopija

Na dostavljenoj potvrdi ponuđači su dužni označiti medicinska sredstva koja nude, upisivanjem rednog broja stavke iz tabele 1 ove Tenderske dokumentacije pored medicinskog sredstva u potvrdi

b) Izjava ponuđača da nema smetnje da ponuđač nudi i isporučuje robu, ukoliko nije nosilac originalne dozvole za stavljanje u promet medicinskih sredstava i da je sa tim saglasan nosilac originalne dozvole (samo u slučaju da ponuđač nije nosilac originalne dozvole);

c) Popunjena i potpisana Tabela 2. (za svaki LOT na koji se prijavljuje)

d) Izjava ponuđača da artikal ne podliježe obavezi upisa u registar medicinskih sredstava (samo ukoliko roba koju nudi ne podliježe obavezi upisa u registar medicinskih sredstava).

U istom dijelu tenderske dokumentacije, navedeno je i slijedeće:

„U slučaju da se u ponudi ne dostave navedeni dokumenti u vezi obavljanja tehničke i profesionalne sposobnosti (član 48.-49. Zakona) ili se ne dostave na način kako je naprijed traženo, ponuđač će biti isključen iz daljeg iz daljeg učestvovanja u postupku javne nabavke zbog neispunjavanja navedenog uvjeta za kvalifikaciju.“

Ponuđač Ena d.o.o o. Sarajevo u svojoj ponudi, koju je predao 27.01.2026.godine i ista je zavedena pod rednim brojem protokola 01-2.14-208/26, dostavio je dostavio Potvrdu o upisu medicinskog sredstva u registar medicinskih sredstava izdatu od Agencije za lijekove i medicinska sredstva BIH, za stavku pod rednim brojem 1 iz LOT-a 2, ali je period važenja povrde istekao 08.11.2025. godine.

Ponuđač je u ponudi dostavio i zahtjev za registraciju proizvoda kod Agencije za lijekove i medicinska sredstva BIH, iz kojih se vidi da je ponuđač podnio zahtjev za obnovu upisa kod Agencije za lijekove i medicinska sredstva BIH, ali predmetni zahtjev ne mijenja potvrdu o upisu, tako da se iz dostavljene dokumentacije može utvrditi da ponuđeni artikal nije upisan u registar medicinskih sredstava kod Agencije za lijekove i medicinska sredstva BIH.

Imajući u vidu izneseno, komisija je utvrdila da ponuđač Ena d.o.o. Sarajevo, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača Ena d.o.o. o. Sarajevo odbačena je shodno članu 68. stav 1. i stav 4. tačka i) Zakona o javnim nabavkama jer je ponuđač dostavio nepotpune dokaze i ponuda ne ispunjava zahtjeve iz tenderske dokumentacije.

Kako su obje dostavljene ponude u ovom postupku nabavke neprihvatljive, Komisija za javne nabavke predložila je da se poništi postupak javne nabavke laboratorijskog pribora i posuđa – LOT 2 – LABORATORIJSKE POSUDE, za JU «Dom zdravlja» Zavidovići za 12 mjeseci, u skladu sa članom 69. stav (2) tačka d) Zakona o javnim nabavkama, obzirom da nijedna od primljenih ponuda nije prihvatljiva.

Obzirom na naprijed utvrđeno činjenično stanje odlučeno je kao u dispozitivu Odluke.

**PRAVNA POUKA:** Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

**DOSTAVLJENO:**

1. Semikem d.o.o. Sarajevo,
2. Ena d.o.o. Sarajevo,
3. a/a

**PREDSJEDNIK  
UPRAVNOG DBORA:**  
Mehić Elvir, dipl. pravnik

